

UNTUK SIARAN SEGERA

KENYATAAN MEDIA

GEREJA METHODIST MERLIMAU SERTA PROGRAM KITARECYCLE OLEH SWM ENVIRONMENT

MELAKA, 4 OKTOBER 2020 – Program KITAREcycle yang diperkenalkan oleh SWM Environment Sdn. Bhd. (**SWM Environment**) terus mendapat perhatian dari pelbagai institusi dan organisasi termasuklah rumah ibadah.

Terbaru, Gereja Methodist Merlimau, Jasin menjadi rumah ibadah kedua di negeri ini yang menyertai KITAREcycle iaitu sebuah program kitar semula yang menawarkan mata ganjaran kepada ahlinya.

Pengurus Wilayah Melaka dan Negeri Sembilan SWM Environment, Dr Al’Ashari Othman berkata, penglibatan ini menunjukkan bahawa aktiviti kitar semula tidak hanya tertumpu di rumah, sekolah atau pejabat, malah boleh juga dilakukan di rumah ibadah.

“Rumah ibadah mempunyai pengaruh besar dan peranan penting untuk mendidik masyarakat mengenai amalan murni dalam kehidupan seharian termasuklah kepentingan kitar semula. Oleh itu, SWM Environment menyambut baik usaha mana-mana rumah ibadah yang ingin melaksanakan pembudayaan 3R (*Reduce, Reuse, Recycle*) dan Pengasingan Sisa Di Punca (SAS).

“Melalui KITAREcycle, SWM Environment menyediakan platform untuk menggalakkan aktiviti kitar semula dengan kaedah yang terkini dan mesra pengguna. Pengguna hanya perlu mendaftar sebagai ahli KITAREcycle di laman web www.kitarecycle.com atau memuat turun aplikasi ini di Google Play dan seterusnya dapat mengumpul mata ganjaran yang boleh ditukar kepada wang tunai melalui perbankan dalam talian,” katanya.

Tambah Dr Al’Ashari, bagi menyokong inisiatif ini SWM Environment turut menempatkan sebuah sangkar kitar semula di Gereja Methodist Merlimau yang akan menjadi pusat pengumpulan barangan kitar semula KITAREcycle di sekitar Jasin.

“Kemudahan sangkar ini tidak terhad kepada ahli gereja sahaja, malah terbuka kepada penduduk sekitar asalkan mereka berdaftar sebagai ahli KITAREcycle.

“Ahli KITAREcycle hanya perlu menampal kod QR unik yang tertera nombor pendaftaran pada bungkusan yang mengandungi barangan kitar semula dan diletakkan di dalam sangkar. Seterusnya pihak SWM Environment akan membuat kutipan barangan kitar semula pada hari yang ditetapkan oleh Gereja Methodist Merlimau,” katanya.

Untuk rekod, sebelum ini, program KITAREcycle telah pun dilaksanakan di Masjid Cina di Krubong dan mendapat penyertaan sangat menggalakkan daripada kariah dan penduduk setempat.

“Selain rumah ibadah, SWM Environment amat mengalu-alukan penglibatan individu perseorangan, komuniti setempat, agensi kerajaan dan swasta, sektor komersial, pusat pendidikan serta pertubuhan bukan kerajaan (NGO) dalam program KITAREcycle.



“Inisiatif ini diharapkan dapat mendidik dan menggalakkan masyarakat agar lebih aktif melaksanakan amalan budaya kitar semula selain mewujudkan komuniti yang peka dengan pengurusan sisa pepejal yang berhemah,” kata Dr Al’Ashari lagi.

Orang ramai atau mana-mana organisasi yang ingin menyertai atau mendapatkan maklumat lanjut mengenai program KITAREcycle boleh melayari laman web www.kitarecycle.com ataupun WhatsApp kepada 012 618 0082.

- TAMAT -

FAKTA

SWM ENVIRONMENT SDN. BHD.

SWM Environment Sdn. Bhd. (**SWM Environment**) telah dilantik pada tahun 1995 di bawah perjanjian konsesi yang dikawal di bawah Akta Pengurusan Sisa Pepejal dan Pembersihan Awam Negara 2007, untuk bertanggungjawab terhadap pengurusan sisa pepejal dan pembersihan awam di Johor, Melaka dan Negeri Sembilan.

Sebagai syarikat konsesi terbesar di Malaysia, SWM Environment, melalui tenaga kerja yang seramai 12,000 orang, berkhidmat kepada 27 pihak berkuasa tempatan, 1.5 juta premis kediaman dan komersial dengan lebih daripada 5.1 juta orang bagi liputan geografi 28,500 kilometer persegi. Untuk maklumat korporat yang lebih lanjut, sila layari laman web: www.swmenvironment.com.

Dalam usaha mengurangkan sisa janaan ke tapak pelupusan sampah, SWM Environment secara giat mempromosikan program-program alam sekitar yang berimpak tinggi seperti Pengasingan Sisa Di Punca (SAS), kitar semula dan pengomposan sisa makanan demi meningkatkan kesedaran awam di kalangan masyarakat umum.

Pada 2018, SWM Environment telah memperkenalkan program kitar semula berganjarannya, KITAREcycle, di ketiga-tiga negeri selatan Semenanjung Malaysia. KITAREcycle menggalakkan orang ramai untuk mengitar semula dan menerima mata ganjaran untuk 25 jenis barangan kitar semula yang termasuk kertas, tin aluminium, plastik, sisa elektrik dan elektronik. Mata ganjaran yang terkumpul boleh ditebus secara tunai melalui perbankan dalam talian. Orang ramai boleh memuat turun aplikasi KITAREcycle melalui *Google Play*. Sila layari laman web: www.kitarecycle.com untuk mendapatkan maklumat lanjut.

Untuk keterangan lanjut, sila hubungi:

Noor Che Wah Ramli

Eksekutif Kanan Jabatan Komunikasi Korporat

SWM Environment Sdn Bhd

Lot 4B-17,18,19, Jalan TTC 26,

Kawasan Perindustrian Cheng,

75250 Melaka.

(Tel) 06-3350191

(Faks) 06-3350117